

PRIVREDNA/GOSPODARSKA KOMORA
FEDERACIJE BOSNE I HERCEGOVINE

Glasnik

Broj 165 mart/ožujak 2019. Godina XIX


ISSN 1840-0310



*Online mapa potencijala biomase u
Bosni i Hercegovini*

*Osnovano Udruženje operatera sistema
Federacije BiH*





**PRIVREDNA/GOSPODARSKA KOMORA
FEDERACIJE BOSNE I HERCEGOVINE**

CHAMBER OF ECONOMY OF THE FEDERATION OF BOSNIA AND HERZEGOVINA

I M P R E S U M

Glasnik
Privredne/Gospodarske komore
Federacije Bosne i Hercegovine
Godina XIX
mart/ožujak 2019.
GLASNIK uređuje
Redakcijski kolegij:

dr.sci.Marko Šantić dipl.ecc.
Mirsad Jašarspahić dipl.ig.maš.

Glavni urednik
Amela Kečo dipl.prav.

Izvršni urednik
Željko Raguž dipl.ecc.

Almin Mališević dipl.ing.maš.
Erina Lasić dipl.ing.agr.

Adresa:
Privredna/Gospodarska komora FBiH
za Glasnik –
Branislava Đurđeva 10/IV
71000 Sarajevo
Kontakt: glasnik@kfbih.com

Telefoni: 033 566 300, 217 782,036/332-963
Fax: 033 217 783,036/332-966

www.kfbih.com

Priprema i izdaje:
Privredna/Gospodarska komora FBiH

Uvaženi privrednici,

pred Vama je novo izdanje e-Glasnika
Privredne/Gospodarske komore F BiH.

Period iza nas su obilježile aktivnosti iz sektora
obnovljivih izvora energije i sajamskih aktivnosti.

Na stranicama koje slijede donosimo detalje sa
radionice o razvoju integriranog Nacionalnog
energetskog i klimatskog plana.

Predstavljena je prva interaktivna online mapa
potencijala biomase u Bosni i Hercegovini

Iz aktivnosti Komore izdajamo informaciju o
osnivanju novog komorskog udruženja,
Udruženja operatera sistema Federacije BiH.

U okviru sajamskih aktivnosti, donosimo dio
atmosfere sa sajma obuče
SIMAC – Tanning Tech 2019.

Udruženje za turizam PGKFBiH ove godine je
sudjelovalo na sajmu turizma
FITUR 2019 MADRID,
te 41. Međunarodnom sajmu turizma
u Beogradu.

I ove godine Komora je uzela
učešće na sajmu Gudovac.

Rubrika Uspješne priče u ovom izdanju je
rezervisana za vijest da
Njemačka firma Räckers
kupuje prve bosanske CNC mašine .

Pored ovih, donosimo i druge zanimljive sadržaje

Redakcijski kolegij

BiH korak bliže razvoju integriranog Nacionalnog energetskeg i klimatskog plana

Dvodnevna radionica o razvoju integriranog Nacionalnog energetskeg i klimatskog plana (NECP) održana je u Sarajevu, 5. i 6. februara 2019. godine.

Radionica je okupila više od 80 ucesnika, među kojima su i članovi radnih grupa za razvoj NECP-a u Bosni i Hercegovini za period 2021.-2030. Visok odziv ucesnika iz različitih institucija i javnih preduzeća ukazuje na važnost ove teme za BiH.

Članovi radnih grupa su predstavnici resornih ministarstava na nivou BiH, entiteta i Brčko Distrikta, zatim komunalnih preduzeća, fondova za zaštitu okoliša, privrednih komora, akademskih i drugih institucija relevantnih za sektor energije i klime. Na radionici su sudjelovali i predstavnici Energetske zajednice, UNDP BiH, USAID i SIDA.



Organizator radionice je GIZ otvoreni regionalni fond za jugoistočnu Evropu – energijska efikasnost (ORF-EE) a koordinator skupa Ministarstvo vanjske trgovine i ekonomskih odnosa BiH (MVTEO). BiH kao ugovorna strana Energetske zajednice (EnC) odgovorna je za razvoj NECP-a u skladu s preporukom Vijeća ministara Evropske unije 2018/1 / MC-EnC.

Irina Lazzerini, ekspert EnC za održivu energiju, prezentirala je cilj i strukturu plana, dajući pregled vremenskog okvira i roka za njegov razvoj. Naglasila je važnost regionalne suradnje u razvijanju efikasnih NECP-ova, posebno u odnosu na korištenje sinergija i zajedničkih izazova u zemljama jugoistočne Evrope. Izjavila je da je ključno ovu radionicu iskoristiti za formiranje radnih grupa koje će raditi na rješavanju pet dimenzija: (1) energetska sigurnost, (2) obnovljivi izvori energije i potpuno integrirano unutrašnje energetske tržište, (3) energijska efikasnost, (4) dekarbonizacija, (5) istraživanje, inovacije i konkurentnost). NECP obuhvata svih petdimenzija, uključujući definiranje upravljačke i koordinacijske strukture za razvoj NECP-a.

Admir Softić, pomoćnik ministra za energetiku u MVTEO-u zahvalio je GIZ ORF-EE na pomoći da se proces razvoja NECP-a unaprijedi i istaknuo energetske sigurnost kao važnu komponentu koju će Nacionalni energetske i klimatske plan pokriti.

Prvi dan radionice uključivao je i prezentacije i diskusije o NECP-u, s osvrtom na najbolje prakse iz Slovenije i Hrvatske, kao i trenutnu političku i institucionalnu situaciju u BiH.

Drugi dan radionice bio je posvećen radu pet pomenutih tematskih radnih grupa. Zaključci radionice odnose se uglavnom na dogovorene naredne korake na nacrtu NECP-a i vremenske okvire za svaku od radnih grupa, vezano za svih pet dimenzija Energetske unije.

Kad jednom bude u provedbi, NECP će omogućiti BiH da integrira energetske i klimatske ciljeve, kao i politike i mjere, pomažući usklađivanje energetske politike s EU. To treba smanjiti administrativno opterećenje, osigurati veću koherentnost i dugoročnu predvidljivost ulaganja, objasnio je Joachim Gaube, direktor GIZ ORF-EE Fonda. Dodao je da je ovo prekretnica za BiH i regiju, budući da su NECP-ovi prilično novi alat s ciljem integriranja nekoliko sektorski orijentiranih planova za efikasnije i djelotvornije donošenje politika.

ORF-EE podržava razvoj NECP-a u cijeloj regiji Jugoistočne Evrope, u suradnji s Energetskom zajednicom i GIZ projektom Razvoja kapaciteta za klimatsku politiku u zemljama jugoistočne Evrope.

Pripremila : L.Sadiković dipl.ing.maš.

Predstavljena prva interaktivna online mapa potencijala biomase u Bosni i Hercegovini

Kako bi se procijenio potencijal biomase u šumarstvu i poljoprivredi u Bosni i Hercegovini, UNDP i GIZ su osigurali tehničku podršku pri prikupljanju, uspostavi i prezentaciji podataka na online interaktivnoj mapi – Atlasu potencijala biomase.

Tokom protekle dvije godine prikupljeni su podaci o osnovnim i nusproizvodima šumarstva i drvoprerađivačke industrije, te nusproizvodima biljne i stočarske proizvodnje za period 2012 – 2017. Za lakši pregled podaci su vizualizirani, i data je mogućnost obuhvata različitih prostornih nivoa. Mapa je dostupna na <http://atlasbm.bhas.gov.ba/>.

„Ove informacije će olakšati donosiocima odluka proces kreiranja politika u oblasti obnovljivih izvora energije, bolje planiranje, poboljšanje korištenja zemljišta ili subvencioniranje određene proizvodnje“ navodi Senka Mutabdžija Bećirović predstavnica UNDP projekta. Ujedno, investitori će imati uvid u raspoložive resurse za pokretanje bioenergetskih projekata, a istraživači i statističke institucije će dobiti podlogu za istraživanja i poboljšanje procesa prikupljanja podataka.


Interaktivna mapa je pripremljena u sklopu Radne grupe za praćenje potencijala biomase koja je osnovana sa ciljem osiguranja aktivnog učešća i vlasništva javnih institucija i stručnjaka u BiH nad aktivnostima i rezultatima ovog procesa. Članovi Radne grupe su definisali procese kreiranja metodike, prikupljanja, analize i zajedničkog tumačenja podataka o potencijalima šumske drvne i poljoprivredne biomase u BiH.

Mapa potencijala biomase predstavljena je tokom 6. sastanka Radne grupe održanog na Vlašiću 12. 03. 2019. godine. Tom prilikom Minela Pita, stručni saradnik za energetiku pri Ministarstvu vanjske trgovine i ekonomskih

odnosa BiH istakla je „Kao zemlja potpisnica Ugovora o Energetskoj zajednici, Bosna i Hercegovina se obavezala postići ciljani udio od 40% obnovljivih izvora energije u svojoj bruto konačnoj potrošnji energije do 2020. godine. Ilustracije radi, na značaj biomase u potrošnji energije u BiH ukazuje činjenica da se toplotna energija iz obnovljivih izvora dobija iz čvrstih biogoriva, odnosno drvne biomase u najvećoj mjeri“. Bez obzira na značajan doprinos biomase u ukupnom energetsom miksu, podaci o ukupnoj potrošnji biomase se značajno razlikuju zavisno od studije i primijenjene metodike. Neposjedovanje jasne slike o udjelu biomase u potrošnji energije otežava definiranje budućih ciljeva Bosne i Hercegovine o udjelu obnovljivih izvora energije, u skladu sa njenim obavezama kao zemlje potpisnice Ugovora o uspostavi Energetske zajednice.

Sastanku je prisustvovalo oko 50 predstavnika ministarstava, statističkih institucija, privrednih komora, preduzeća za gospodarenje šumama, samostalnih stručnjaka, UNDP-a i GIZ-a. Učesnici su diskutovali i o modalitetima za unapređenje procesa prikupljanja podataka i formalizaciji međuinstitucionalne saradnje koja predstavlja prioritet za osiguranje održivog korištenja potencijala biomase za proizvodnju energije u BiH.

Sve navedene aktivnosti su realizovane u okviru Zajedničkog programa iz oblasti bioenergije u BiH; inicijative koja je pokrenuta pod pokroviteljstvom Ministarstva vanjske trgovine i ekonomskih odnosa BiH, a u saradnji UNDP-a (projekt „Zapošljavanje i sigurno snabdijevanje energijom korištenjem biomase“ koji finansira Češka razvojna agencija), GIZ („Promocija obnovljivih izvora energije u BiH“) i USAID EIA projekta („Investiranje u sektor energije“).



Pripremila : L.Sadiković dipl.ing.maš.

U cilju unaprijeđenja sistema reciklaže i iskorištavanja posebnih kategorija otpada osnovano Udruženje operatera sistema Federacije BiH

Ovlašteni operateri sistema za upravljanje ambalažom i ambalažnim otpadom u Federaciji Bosne i Hercegovine, firme Eko pak Sarajevo i Eko život Tuzla, te ovlašteni operateri sistema za upravljanje elektronskim i elektroničkim otpadom Kim Tec Eko Vitez i Zeos Sarajevo, osnovali su Udruženje operatera sistema Federacije BiH (UOS), čiji je cilj unaprijeđenje i razvoj sistema reciklaže i iskorištavanja ovih posebnih kategorija otpada u Federaciji BiH.



Osnivači Udruženja, direktorica "Ekopaka" Amela Hrbat, direktor „Eko života“ Jasmin Osmanović, direktor „Kim Tec Eko“ Zdenko Marković i direktor „Zeosa“ Emil Šehić, su na osnivačkoj skupštini usvojili ciljeve Udruženja, koji prije svega trebaju da zastupaju interese članica u cilju unaprijeđenja zakonske legislative koja reguliše ovu oblast, te kreiraju pozitivan privredni ambijent. Velika pažnja Udruženja biće posvećena i edukaciji, promociji i podizanju svijesti o važnosti upravljanja posebnim kategorijama otpada, te partnerstvu sa resornim ministarstvom s ciljem kreiranja pravnog okvira baziranog na pravnoj stečevini EU-a i najboljim evropskim praksama.

Ovlašteni operateri su na današnjoj skupštini izabrali predsjednika Udruženja Amelu Hrbat, koja se ovom prilikom zahvalila osnivačima na povjerenju, te naglasila da će UOS, pored svojih članica, biti pouzdan i efikasan partner i državi, a sve u cilju daljeg razvoja sistema upravljanja ambalažom i ambalažnim otpadom, te elektronskim i elektroničkim otpadom.

Sjedište Udruženja je u Privrednoj/Gospodarskoj komori FBiH u Sarajevu, u ulici Branislava Đurđeva br. 10.



“Obzirom na turbulencije koje smo imali po pitanju pravnog okvira na osnovu kojeg mi posluje, te stanja u našoj zemlji kad su reciklažni kapaciteti u pitanju, te kapaciteti za odvojeno odlaganje i prikupljanje iskoristivog dijela otpada, osnivanje ovog Udruženja bila je prijerka potreba i drago mi je da su svi ovlašteni operateri u FBiH podržali tu ideju. Iza nas stoji veliko znanje, višegodišnje iskustvo i značajna infrastruktura, što možemo iskoristiti za dalje unaprijeđenje sistema reciklaže i iskorištenja ambalažnog, te elektronskog i elektroničkog otpada u FBiH”, kazala je Amela Hrbat.

Potpredsjednik Privredne/Gospodarske komore Federacije BiH Mirsad Jašarspahić, u okviru koje je Udruženje osnovano, naglasio je da će Komora FBiH pružiti stručnu pomoć Udruženju:

“Svjesni smo važnosti daljeg razvoja uspostavljenih sistema za recikliražu i iskorištenje posebnih kategorija otpada, koji funkcionišu na principu produžene odgovornosti proizvođača. Ovo praktično znači da sistemima, preko ovlaštenih operatera, upravlja privreda koja se u svom poslovanju bavi stavljanjem u promet proizvoda koji poslije upotrebe postaju ambalažni otpad, odnosno otpad od elektronskih i elektroničkih proizvoda, a koja u najvećem dijelu i finansira sisteme. Ovaj princip je dobra praksa preuzeta iz zemalja EU-a, u kojima se rezultati postižu poslovanjem po najnižim održivim troškovima i najvećim benefitima za okoliš. Zbog toga je Privredna komora FBiH čvrsto stala uz ovo Udruženje i želimo im puno uspjeha u daljem radu”, kazao je Mirsad Jašarspahić.

Pripremila: Andreja Softić dipl.ecc.

BH proizvođači obuće na sajmu SIMAC – Tanning Tech 2019.

SIMAC Tanning Tech veliki je međunarodni sajam za industriju obuće i proizvoda od kože, najvažnijih sektora trgovinske razmjene i investicija Italije i Bosne i Hercegovine. U saradnji sa Odjelom za promociju ekonomskih odnosa Ambasade Italije u Sarajevu (ICE) i italijanskog Udruženja proizvođača opreme za obućarstvo i kožarstvo - Assomac, bh. delegacija i ove je godine bila gost na sajmu SIMAC 2019. Delegaciju su predvodili sekretari sektorskih Udruženja Privredne komore Federacije BiH i Privredne komore RS.



(BH delegacija u posjeti sajmu)

Italija je glavno izvozno tržište obuće proizvedene u BiH, te je ova manifestacija omogućila bosanskohercegovačkim kompanijama učesnicama priliku da se predstave u Milanu, svjetskoj prijestolnici dizajna i mode.

SIMAC – Tanning Tech 2019 objedinjuje Međunarodni sajam mašina i tehnologije za obućarstvo i kožnu galanteriju – SIMAC te Međunarodni sajam mašina i tehnologije za industriju kože – TANNING Tech. Riječ je o vodećoj sajamskoj manifestaciji mašina i opreme u kožarsko-obućarskoj industriji, koja se održala u Milanu od 20. do 22. februara 2019. godine. U periodu trajanja sajma održan je sastanak sa predstavnicima Udruženja Assomac sa kojim Privredna komora Federacije BiH ima potpisan sporazum o saradnji. Na sastanku se razgovaralo o narednim zajedničkim aktivnostima, ali i potrebama bh proizvođača za obukama modelara, koji su neophodni za unapređenje ove industrijske grane.

Drugog dana sajma BH delegaciji su održane prezentacije najnovijih tehnologija u kožarstvu, što je omogućilo učesnicima da se upoznaju sa svim tehničkim specifikacijama unapređenih strojeva za rezanje i tanjenje kože.



Izvoz obuće iz Bosne i Hercegovine u protekloj godini iznosio je više od 750 miliona KM, te za oko 45 miliona KM veći u odnosu na prethodne godine, što pokazuje da je obuća jedan od najvažnijih proizvoda u BiH. Uvoz je iznosio 341.288.768 KM.

Najviše obuće izvozi se na razvijena evropska tržišta, a bosanskohercegovačke kompanije proizvode obuću za poznate svjetske brendove.

Top tri izvozna tržišta:

1. Italija – 321.684.700 KM
2. Francuska – 73.465.724 KM
3. Njemačka – 73.199.265 KM

Pripremila: Jasmina Zejnilagić dipl. ecc.

Udruženje za turizam PGKFBiH na sajmu turizma FITUR 2019 MADRID

Od 23.-27. siječnja 2019. godine u Madridu, Španjolska, održan je FITUR – vodeći sajam turizma u svijetu i globalno okupljalište turističkih stručnjaka.

Rastuće međunarodno priznanje FITUR-a naglašeno je u izdanju za 2017. o tome da ga je Svjetska turistička organizacija izabrala kao mjesto otvaranja 1. Međunarodne godine održivog turizma za razvoj, koju je proglasila Organizacija Ujedinjenih naroda, čime je potvrdila svoju poziciju među najvažnijih događaja u svjetskom rangiranju.

Jedan od ključeva koji je obilježio evoluciju Fitura bila je sposobnost sajma da prepozna tržišne trendove i odražava ih u svojoj ponudi. Imajući to na umu, novi monografski dijelovi uključeni su u sajam u posljednjih nekoliko godina, kao što su Fitur Shopping i Fitur Health, koji su uspješno uvedeni prošle godine i koji su se u ovogodišnjem izdanju konsolidirali uz veće sudjelovanje tvrtki.

Fitur je povlaštena faza za globalnu turističku industriju i poslovni alat za poticanje komercijalnih sporazuma i kontakata.

Međunarodni sajam turizma, FITUR 2019, završio je svoje 39. izdanje s velikim brojem prisutnosti u kojem je ujedno bio i najveći međunarodni turistički sastanak održan do danas.

Procjenjuje se da je primio više od 253.000 sudionika. Registriralo se 142.642 sudionika iz cijelog svijeta, a u međunarodnom poglavlju porast je iznosio 8,9%.

Također naglašava visoku poslovnu aktivnost usredotočenu u profesionalne dane FITUR-a, s dnevnim redom koji je generirao 9.150 B2B sastanaka s međunarodnim kupcima. Između ostalih zemalja sudionika, i Bosna i Hercegovina je sudjelovala sa značajnim brojem, ponajviše članova Udruženja turizma pri Privrednoj Gospodarskoj komori Federacije Bosne i Hercegovine.



Zbog svih ovih referenci, i naše Udruženje za turizam pri PGKFBiH je prepoznalo značaj ovog događaja te organiziralo zajednički odlazak njegovih članica na sajam.

Članovi udruženja su zadovoljni iskoristili izlagački prostor kako bi predstavili svoje kapacitete, ali i učvrstili sve postojeće dobre kontakte sa španjolskim tržištem.

Pripremila: Danijela Lovrić



Privredna/Gospodarska Komora na 41. Međunarodnom sajmu turizma u Beogradu

Beogradski sajam turizma najveća je turistička manifestacija u jugoistočnoj Europi koja traje četiri dana u periodu od 21. do 24.02.2019g. te okuplja izlagače iz svih dijelova svijeta.

Ovogodišnji sajam turizma održao se pod sloganom „Ljeto je bliže nego što mislite“ gdje je svoje proizvode, usluge atraktivne ponude predstavilo oko 930 izlagača iz 38 zemalja svijeta a ovogodišnji partner sajma bila je Bugarska.

Prema procjenama organizatora ovogodišnji Beogradski sajam najposjećeniji je do sada te je i sama ponuda izlagača, agencija, turoperatora i destinacija bila daleko najbrojnija. Uz Sajam turizma održale su se još tri manifestacije – 10. Međunarodni sajam vina, 15. Međunarodni sajam hotelijersko -ugostiteljske opreme, 15. sajam suvenira.



Prepoznajući značaj ove manifestacije za prezentiranje turizma Bosne i Hercegovine, Privredna/Gospodarska komora FBiH se zajedno sa svojim Udruženjem za turizam, odlučila za ovaj nastup nastojeći na što adekvatniji način predstaviti široku lepezu ponude BiH turističkih destinacija te turističku ponudu u cjelini. Članice su se na izlagačkom prostoru P/G K FBiH adekvatno predstavili sa svojim kapacitetima i privukli značajan broj zainteresiranih posjetilaca, posjetiteljima sajma približili ljepote Bosne i Hercegovine, njene znamenitosti i atraktivne ponude koje su članovi turističkog klastera prezentirali.

Na marginama Sajma turizma održao se radni sastanak sa Privrednom komorom Srbije, Privrednom komorom Crne Gore te ostatkom komorskog sistema Bosne i Hercegovine. Tema sastanka bila je zajedničkih turističkih proizvoda ove tri zemlje, kojim bi se nastupalo prema trećim tržištima, a koji bi se financirao sredstvima iz raspoloživih fondova.



Predsjednik PGK FBiH, doc.dr.sc. Marko Šantić je naglasio potrebu zajedničkog i sinergijskog djelovanja turističkog sektora sve tri zemlje regije, kako bi se napravio zajednički turistički proizvod kojim bi se turistička ponuda digla na veću razinu. Suvremeni turist više ne traži posjetu samo jednoj zemlji, te će ovakav zajednički proizvod doprinijeti regionalnom razvoju turizma sve tri zemlje.

Pripremila: Josipa Topić

Privredna /Gospodarska komora FBiH na sajmu Gudovac

Na Sajamskom prostoru Gudovac pored Bjelovara pčelarski sajam se održao pod pokroviteljstvom Ministarstva poljoprivrede Republike Hrvatske, a suorganizatori sajma su Bjelovarsko-bilogorska županija, Grad Bjelovar, Gradski ured za poljoprivredu i šumarstvo Grada Zagreba i Pčelarska Udruga Bilogora Bjelovar.



Na Sajamskom prostoru Gudovac, u organizaciji Bjelovarskog sajma d.o.o. i Hrvatskog pčelarskog saveza 09. i 10.2. 2019. godine održan je 15. međunarodni pčelarski sajam i 6. Izložba vina.

Najveći pčelarski sajam u regiji ponovno je posjetilo oko 140 izlagača, te dolazak tisuća posjetitelja iz Republike Hrvatske i država okruženja.

Uz tradicionalni Pčelarski sajam ponovno se u istom terminu održala i 6. Izložba vina i vinogradarske opreme (paviljon 9), koja je svojim sadržajima ponovno obogatiti "najslađu" sajamsku manifestaciju.

Riječ je o najvećem pčelarskom sajmu u regiji, koji je ponovno privukao veliku pozornost pčelara iz Hrvatske i okolnih zemalja, te u dva dana sajma zabilježiti posjetu više tisuća posjetitelja iz raznih zemalja na 5.000 m² zatvorenog grijanog izložbenog prostora.

Važno je napomenuti da su sajmovi i dalje važno mjesto prezentacije poslovnih mogućnosti izlagača, novih tehnologija i poslovnih trendova, uz neizostavnu mogućnost usporedbe s konkurencijom.

Na sajmu smo vidjeli:

- najveća izložbeno-prodajna ponuda pčelarske opreme i strojeva
- velika ponuda meda i svih vrsta pčelinjih proizvoda
- prezentacije novih tehnologija - inovacije u pčelarstvu
- prezentacije rada raznih strojeva i alata
- stručna predavanja i okrugli stolovi, razmjena znanja i iskustava
- ostali proizvodi obrtnika, gospodarstvenika i OPG-ova
- raznolika ugostiteljska ponuda i zabavni sadržaji za posjetitelje

Od ostalih događaja izdvajaju inovacije u pčelarstvu, amatersko natjecanje u pripremi medenjaka, kulinarski show, ocjenjivanje najljepše uređenih izložbenih prostora na Pčelarskom sajmu, te u sklopu Izložbe vina - ocjenjivanje najljepših vinskih etiketa.

Na 15. međunarodni pčelarski sajam i 6. Izložba vina Privrednu/Gospodarsku komoru su predstavljali grupacija vinara:



GOSPODARSKA KOMORA FEDERACIJE BOSNE I HERCEGOVINE - GRUPACIJA VINARA

HERCEGOVINA PRODUKT ČITLUK

HERCEGOVINA VINO ČITLUK

PODRUMI ADRIJA PAOČA



Aktivno sudjelovanje u sajmu je uzela i Privredna/gospodarska komora FBiH i održala niz bilateralnih sastanaka, koji su polučili rezultatima i najavama dolaska na 27. Jesenski Međunarodni Bjelovarski sajam.

Na štandu Privredna/gospodarska komora FBiH prisustvovali su potpredsjednik Vlade i ministar poljoprivrede Tomislav Tolušić, bjelovarsko-bilogorski župan Damir Bajš, te Bjelovarski gradonačelnik Dario Hrebak, koji su komentirali hercegovačka vina i istaknuli kako kvalitete naših vina ima tržište u Bjelovarsko – bilogorskoj županiji.

Pripremio: Ivica Barbarić dipl.ing.agr.

Percepcija Njemačkih poslovnjaka: dobre prilike za investitore u Hrvatskoj i Bosni i Hercegovini

U Mainzu u SR Njemačkoj 20.02.2019. održan je forum pod nazivom. Hrvatska u digitalnom dobu – prilike i perspektive, na kojem je sudjelovao i predstavnik Privredne/Gospodarske komore Federacije BiH.



Hrvatsko gospodarstvo se i dalje širi, što ga čini zanimljivim partnerom za njemačka poduzeća i investitore. To je postalo jasno na njemačko-hrvatskom gospodarskom forumu koji su organizirali Gospodarska komora Rheinhesen, Njemačko-hrvatska gospodarska komora i Hrvatska poslovna udruga u Mainzu. Pokretači rasta uključuju privatnu potrošnju i snažan zamah ulaganja. Hrvatska također dobiva na snazi kao tržište nabave. Osim toga, teme kao što su digitalizacija, industrija 4.0, start-up i strukovno obrazovanje i daljnje usavršavanje stavljaju se u fokus. Više od 100 poduzetnika i predstavnika komora i udruženja raspravljalo je o tome koje se industrije smatraju održivima i koje nude dobre mogućnosti prodaje i ulaganja.

Günter Jertz, izvršni direktor IHK-a za Rheinhesen, istaknuo je da su trgovinski odnosi između Rajna-Palatinata i hrvatskih poslovnih partnera tijekom godina ostali stabilni. Najnoviji podaci za 2018. godinu pokazuju da je uvoz iz Hrvatske u Rheinland-Pfalz vrijedan 46,4 milijuna eura, a izvoz u Hrvatsku 134,2 milijuna eura. Jertz gleda naprijed: "Postoji mogućnost za proširenje bilateralnih poslova, posebno u sektorima koji imaju dobre izgleda za rast u Hrvatskoj." Tržište osobnih automobila, na primjer, poraslo je za 17,2 posto u 2017. u razdoblju od siječnja do listopada 2018. godine. 20,4 posto više. Visoke stope rasta u posljednje su vrijeme zabilježene u industriji plastike i gume, kao i u farmaceutskoj industriji. Uz plus u narednim godinama u zdravstvenom gospodarstvu, očekuje se IT tržište i građevinska industrija. Drugi poticaj tvrtkama u Rheinland-Palatinatu da po-

stanu aktivni u Hrvatskoj ili da ojačaju svoje postojeće obveze, prema Jertz, pruža Program stručnjaka za vještine Saveznog ministarstva za ekonomiju i energetiku. U suradnji s Njemačko-hrvatskom industrijskom i trgovačkom komorom, hrvatski će se vježbenici obučavati lokalno u skladu s njemačkim dualnim sustavom i tada će biti dostupni kao specijalisti.



Prema riječima Svena Thorstena Potthoffa, generalnog direktora njemačko-hrvatske gospodarske i industrijske komore u Zagrebu, interes njemačkih tvrtki za poslovni položaj Hrvatske i dalje je nesmetan: "Njemačka je najvažniji vanjskotrgovinski partner Hrvatske. Njemački izvoz u Hrvatsku iz godine u godinu donosi nove rekorde, ali i obrnuto: Njemačka je postala drugo najvažnije tržište za Hrvatsku. Unatoč potrebi za reformom, na primjer u području poreznog prava, obrazovanja ili javnih usluga, još uvijek postoje dobre mogućnosti za njemačke ulagače. Osim toga, Hrvatska ima jaku poduzetničku kulturu, brojne poduzetničke inicijative i IT sektor koji je u posljednjih pet godina znatno porastao. Posebno je naglasio da i u susjednoj Bosni i Hercegovini posotje sjajne prilike za investiranje, osobito u turističkom sketoru, te naveo nekoliko uspješnih njemačkih investicija u turizam Bosne i Hercegovine.

Mario Šušak, direktor Hrvatske gospodarske udruge e.V., sa sjedištem u Frankfurtu na Majni, smatra da je Hrvatskoj potrebno daljnje strukturne reforme kako bi se povećala konkurentnost kako bi se uspio u novom modelu gospodarskog rasta, kao što su izravna strana ulaganja. No, on također navodi pozitivne primjere poput tvrtki u hrvat-

skom IT sektoru: "Globalizacija u gospodarskim odnosima i rastuća mobilnost ljudi i tvrtki dovode do sve veće konkurencije u gospodarskim regijama. Brze promjene zahtijevaju stručnjake koji su u stanju razviti praktična rješenja i proizvode. Ovaj poziv na buđenje u procesu digitalizacije industrijske politike i obrazovanja nova je prilika i za Njemačku i za Hrvatsku. Uspjeh digitalizacije mijenja svijet rada bez presedana. Upravo tu postoji izazov i mogućnost da tvrtke u Njemačkoj i Hrvatskoj imaju koristi jedni od drugih. "

Pripremio: Željko Raguz dipl.ecc.

P/G komora Federacije BiH na radionici i B2B susretima u Vukovaru

Evropska unija do 2020. godine želi povećati prevoz tereta Dunavom za 20%, što je velika prilika za obnovljive izvore, istaknuto je u Vukovaru, 5. februara, na radionici u okviru programa Interreg Danube.

Zemlje koje gravitiraju slivu rijeke Dunav imaju veliki potencijal za iskorištenje zelene energije, s obzirom na veliku količinu biomase dostupnu uz cijeli riječni tok. Razvoj logistike na Dunavu nesumnjivo može doprinijeti smanjenju emisija, uspostavi niskougljičnog transportnog sistema te poboljšanju ekološkog učinka duž cijelog bioenergetskog vrijednosnog lanca.



O velikom potencijalu rijeke Dunav kao najprihvatljivijeg oblika transporta svih vrsta roba uključujući i biomasu, diskutiralo se intenzivno na radionici.

Ispred Bosne i Hercegovine, prisutni su bili i učestvovali na panelu predstavnici P/G komore Federacije BiH. Također, radionici je prisustvovao predstavnik klastera „Namještaj i drvo BiH“.

U sklopu radionice održan je i niz bilateralnih sastanaka za prijavljene učesnike iz Hrvatske, Srbije, BiH, Njemačke, Austrije, Slovačke, Mađarske i Rumunije. Sastanci su bili namijenjeni svima koji se bave proizvodnjom, trgovinom, korištenjem biomase ili logističkim uslugama, te institucija, udruženja i privrednih komora. Svrha B2B sastanaka bila je povezivanje učesnika, razmjena iskustava i znanja, ali i sklapanje novih poslova kojima bi se podigao nivo proizvodnje i korištenje obnovljivih izvora energije. Osim toga, B2B susreti poslužili su i za pronalaženje partnera za buduće projekte u Interreg programu EU a predstavnici P/G komore Federacije BiH su izrazili spremnost da Komora bude partner iz Bosne i Hercegovine.

Pripremila: L.Sadiković

Jaki proboj iz Jelaha: Njemačka firma Räckers kupuje prve bosanske CNC mašine



Procassa d.o.o, kompanija iz Jelaha, nedavno je potpisala veliki ugovor sa njemačkom kompanijom Rackers GmbH & Co.KG, sistemskim dobavljačem za industriju komercijalnih vozila u Njemačkoj i Evropi. Procassa će proizvesti dvije CNC mašine, CNC glodalicu i CNC mašinu za probijanje, kako je navedeno u ugovoru.

Jedan tim iz Njemačke, na čelu sa Bosancem Miralem Letićem, rukovodiocem projekta kompanije Rackers koji je vjerovao preduzeću iz Bosne i Hercegovine, posjetio je našu zemlju i Jelah kako bi uskladio podatke o proizvodnji CNC mašina i dogovorio isporuku i instalaciju do aprila 2019. godine u Njemačkoj.

Govoreći za poslovni portal Akta.ba, Letić kaže da će mašine iz Bosne i Hercegovine koristiti za posebne projekte kompanije i da je ovo prva kupovina od kompanije iz Bosne i Hercegovine.

Sve ovo govori da je ovo veoma zahtjevan zadatak koji je postavljen pred firmu Procassa iz Jelaha. Međutim, oni nisu zabrinuti jer se radi o ekspertima sa iskustvom kao što je i sam Mehmed Husaković preko kojeg se odigrala sva konekcija po pitanju Ugovora sa kompanijom Rackers.

Dragutin Fišer, Procassa-Fischer, rekao je poslovnom portalu Akta.ba da je ovaj ugovor samo jedan od dokaza da oni rade dobro i da su na pravom putu.

"Čast mi je da napravim CNC mašinu za njemačku kompaniju, posebno zato što Njemci imaju najrazvijeniju mašinsku industriju u Evropi", rekao je Dragutin.

U Procassi pored proizvodnje CNC mašina rade i klasičnu bravariju. U Njemačkoj već prodaju segmente bravarskih konstrukcija koje ispunjavaju njemačke standarde.

Kažu neće stati sa planovima i radom. Cilj je tržište i konkurentnost u EU. CNC mašine iz BiH dokazale su svoj kvalitet u kratkom roku. Zahvaljujući tome, Mehmedu Husakoviću, jednom od pokretača ideje i koordinatoru projekta, povjerenje je dato i u Bosni i Hercegovini, gdje je do sada prodato nekoliko CNC mašina.

"Ovo daje ozbiljnost samom poslu. Sve svoje planove ispunjavamo. Obećali smo zaposliti deset ljudi i mi smo svoj plan ispunili. Među zaposlenim si i dva studenta, koje ujedno i stipendiramo. Oni kod nas stiču radne navike, a po završetku fakulteta planirano je da ostanu u firmi", kazao je Husaković.

Što se tiče posla koji je pred njima, kaže da će ovo biti prve mašine iz Bosne i Hercegovine za evropsko tržište i da će učiniti sve što mogu da ispune sve dogovorene obaveze.

Inače, Procassa je jedina firma u BiH koja se bavi proizvodnjom CNC mašina, te su uvjereni da ovo neće završiti samo na ovom ugovoru i da njihovo vrijeme tek dolazi.

Njihova misija je u narednom periodu proširenje asortimana proizvoda.

Izvor: akta.ba

NAJAVA KONFERENCIJE



BOSNIA AND HERZEGOVINA
FEDERATION OF BOSNIA AND HERZEGOVINA
CHAMBER OF ECONOMY OF
FEDERATION OF BOSNIA AND HERZEGOVINA



1st Joint Business International Conference Fora of the Adriatic and Ionian Chambers
of Commerce, Cities and Universities

THE ECONOMY - KEY FACTOR FOR THE DEVELOPMENT OF SOCIETY

High patronage
First Deputy Speaker of the House of Peoples Parliamentary Assembly of B&H
prof. Dragan Čović PhD



General sponsor



Media sponsorship



Mostar, 10. April 2019

NAJAVA SAJMA

22. međunarodni
SAJAM
GOSPODARSTVA
INTERNATIONAL BUSINESS FAIR



Mostar, **9.-13.4.2019.**



zemlja partner
Kina

medijski pokrovitelji:
BHTV, Večernji list, Prvi.tv